

S.S.E
Exam

এসএসসি পরীক্ষায় গণ- টোকাটুকির দায়ে তিন শতাধিক ছাত্র বহিষ্কৃত

॥ স্টাফ রিপোর্টার ॥

গতকাল এসএসসি পরীক্ষার দ্বিতীয় দিনে ইংরেজী প্রথম ও দ্বিতীয় পত্রে ব্যাপক নকলের অভিযোগে সারা দেশে ৩শ' ১৯ জন ছাত্র-ছাত্রীকে বহিষ্কার করা হয়েছে। পরীক্ষার হলে নকল করার ব্যাপারে সহযোগিতা করার অপরাধে ৩ জন

পরিদর্শককেও বহিষ্কার করা হয়েছে। একমাত্র রাজশাহী বোর্ডের অধীনে দেড়শ' ছাত্র-ছাত্রী বহিষ্কৃত হয়। ঢাকা বোর্ড সূত্রে জানা গেছে, নকলের অভিযোগে ৬০ জন ছাত্র-ছাত্রীকে বহিষ্কার করা হয়। একমাত্র ফরিদপুরে ২৬ জন ছাত্র-ছাত্রী বহিষ্কৃত হয়। এদিকে আমাদের গাজীপুরের সংবাদদাতা টেলিফোনে জানান, গাজীপুরে ২ জন ও কাপাসিয়া কেন্দ্র থেকে ৩ জন ছাত্রকে বহিষ্কার করা শেষ পৃঃ ২-এর কঃ দেখুন

গণ-টোকাটুকি

প্রথম পৃষ্ঠার পর

হয়েছে। কুমিল্লা বোর্ডের সাথে টেলিফোনে যোগাযোগ করা হলে কর্তৃপক্ষ জানান, গতকাল নকলের দায়ে বিভিন্ন কেন্দ্র থেকে ৩২ জন ছাত্র-ছাত্রীকে বহিষ্কার করা হয়েছে। রাজশাহী বোর্ডের অধীনে ঠাকুরগাঁও জেলার পীরগঞ্জ সর্বাধিক সংখ্যক ৪৭ জন ছাত্র-ছাত্রী নকলের অভিযোগে বহিষ্কৃত হয়। সর্বমোট বহিষ্কৃতের সংখ্যা বোর্ড সূত্রে ১শ' ১১ জন। আমাদের সিরাজগঞ্জের সংবাদদাতা জানান, একমাত্র সিরাজগঞ্জ সদর উপজেলায় ৩০ জন ছাত্র-ছাত্রীকে বহিষ্কার করা হয়।

যশোর বোর্ডের সাথে চেষ্টা করেও কাউকে পাওয়া যায়নি। বরিশালের সংবাদদাতা টেলিফোনে জানিয়েছেন, জেলার বিভিন্ন কেন্দ্র থেকে ৬০ জন ছাত্র-ছাত্রীসহ ৩ জন পরিদর্শককে বহিষ্কার করা হয়েছে। এদিকে আমাদের খুলনা প্রতিনিধি জানান, খুলনার বিভিন্ন কেন্দ্র থেকে নকলের অভিযোগে ১৮ জন ছাত্র-ছাত্রীকে বহিষ্কার করা হয়।

আমাদের নরসিংদী সংবাদদাতা টেলিফোনে জানান, এসএসসি পরীক্ষার দ্বিতীয় দিনে নরসিংদী জেলার বিভিন্ন কেন্দ্র থেকে ৪৭ জন ছাত্র-ছাত্রীকে বহিষ্কার করা হয়েছে। বহিষ্কৃতদের মধ্যে রায়পুরায় ১৪ জন, বেলাব ১১ জন, শিবপুরে ৪ জন, মনোহরদীতে ১১ জন এবং নরসিংদী সদরে ৭ জন।